

Համաշխարհային Խաղաղարար Կոնֆերենցիայի յայտարարութիւնը պարզորոշ թելադրում է ամենքին՝ պահպանելու եղած դրութիւնը, մինչև վերջնական որոշման յայտարարութիւնը:

Թիւրք-ազրբէջանեան ականաւորայի ամբողջ ընթացքում Զանգեզուրը եղել է միշտ ինքնուրոյն, և դաշնակից հրամանատարութիւնը այդպէս էլ տեսել է Զանգեզուր մասնելիս:

Ամէն մի ոտնձգութիւն մեր ինքնուրոյնութեան դէմ ում կողմից էլ որ երևան գայ, այդ ստատուս կուօի խանդարումն է և մեր կողմից կը հանդիպի ամենատուժեղ դիմադրութեան»:

Այս յանդուգն պատասխանը ստանալուց յետոյ անգլիական ներկայացուցիչը շտապեց հեռանալ: Եւ դործի անցաւ Ազրբէջանը:

Ղարաբաղի խնդիրը փակելուց և Հայաստանը մահմետական ապրատարութիւնների վայր դարձնելուց յետոյ, Ազրբէջանի կառավարութիւնը սկսեց ուժեր հաւաքել Զանգեզուրի շուրջը զօրավար Ալի Աղա Շիրվինսկիի գլխավորութեամբ: Հոկտեմբերին, Շուշիի և Կարեազինի ուղղութեամբ համախմբեցին 3 հետևակ ու 2 ձիաւոր զնգեր, 8 թեթև ու 4 ծանր թնդանօթներ և 400 քիւրդ կամաւորներ: Նախիջևանի և Շարուրի կողմից չարժման մէջ դրեցին աւելի քան 3000 կուռղներ: Ազրբէջանը ուզում էր 3 ծայրերից օղակել և արագ ու կտրուկ հարւածներով դրաւել Զանգեզուրը:

Վճռական դործողութիւնների անցնելուց առաջ, դր. Սուլթանովը մի կոչ ուղղեց զանգեզուրցիներին, որով համոզում էր հետևել զարաբաղցիների օրինակին և յօժարակամ ճանաչել Ազրբէջանի իշխանութիւնը: «Ես գիմում եմ, գրում էր նա, Զանգեզուրի ազգաբնակչութեան, բանւորներին ու գիւղացիներին... առաջուցէ՛ք, որ դուք կապ չունէք անիշխանական և արկածախնդիր տարրերի հետ: Ես ապահովում եմ ձեր անձի ու դոյքի անձեռնմխելիութիւնը, իսկ ես միշտ յարգում եմ իմ խօսքը: Իսկ եթէ դուք շարունակէք օգնել անիշխանական տարրերին, ես այնքան ոյժ կունենամ, որ ստիպեմ ձեզ ճանաչել Ազրբէջանի հանրապետութեան իշխանութիւնը, բայց այն ժամանակ արիւնահեղութեան պատասխանատուութիւնը կընկնի ձեր վրա»:

Զանգեզուրցիք ականջ չդրին Սուլթանովի յորդորներին, և նոյնմբ. 1-ին ազրբէջանեան զօրքերը Զարուղից, Կարեազինի կողմից, Նախիջևանից ու Դարալագեազից անցան ընդհանուր յարձակման: Ամբողջ 6 օր Զանգեզուրի լեռներում որոտում էին թնդանօթներն ու զնդացիները: Առաջին օրերը թշնամին գրաւեց Խնածախ, Խոզնավար, Բայանդուր, Կոռնձոր գիւղերն ու Քաջալ Դաղը և սպառնում էր Գորիսին: Նոյ. 4ին զանգեզուրցիները, Ա. Շահմաղեանի հրամանատարութեամբ, կանգնեցին թշնամու յառաջխաղացումը և կատաղել հակադրոհներով ու հարւածներով, նոյ. 6ին, փախուստի մատնեցին ազրբէջանեան բանակը, որը թողեց բազմաթիւ դիակներ, աւելի քան 150 զերի, մէկ թնդանօթ, 20 զնդացի և հարուստ աւար: Ազրբէջանեան 2րդ ձիաւոր գունդը ամբողջապէս ոչնչացաւ: Զանգեզուրը, շնորհիւ իր դաւակների հերոսական ճիգերի, մի անգամ էլ փրկեց մահացու վտանգից: